

而來迺何霓旌之悠揚吾其整此霄駕持造化之系出
存亡之表遠四野之冥冥近三辰之皎皎涉虛寥之浩
曠覺宇宙之卑湫龍鸞竦予升我於玄都流玉音於至
寂散金光於大無星官後從雲將前驅使八威於六領
盪遺祆於天衢麾百魔以震伏總萬靈以遊娛翠旄紛
紛兮拂重霄而凌厲入閭闔之九闢過太微而一憩倚
華蓋而招真登紫庭而謁帝飲予以沆瀣樂予以玄鈞
左盼夫鬱儀右瞻乎結璘信巍巍以蕩蕩肅肅而振振
享讌斯徹遨嬉未已泛^匏河之廣流搴析木之芳蕊靈
杳靄而八衝寶雲沓而四起諒茲境之足悅乃此情之
匪留揚玉輪以逕進更冉冉而上浮控三氣而高舉何